

國朝閨秀正始集



國朝閩秀正始集卷十五

完顏暉 珠珍浦輯 女孫妙蓮保校字

張淑蓮

字品香浙江上虞人知州鳳翥女知縣夏琳母著有澄輝閣吟草○按鳳翥字

漁邨乾隆戊辰進士以詩名品香幼承庭訓博通經籍于歸後夫官秦中留家奉姑親教子孫俱登科第子琳筮仕中州品香於嘉慶間就養來豫現年九十餘神明不衰羣歌壽母洵為

昇平人瑞云

孫女輩學詩書示

我昔居閨中我父喜吟詩時方宦蜀地境好句益

奇豪氣蕩巫峽健筆凌巴夔少陵有遺集一一親

正始集卷十五

一 紅香館

和之憐我頗聰慧教女如教兒兄弟及姊妹唱和

相娛嬉吟成請甲乙往往為領頤女子嗟有行此

境不可追老至愈放廢久嬾柔翰持汝輩復似我

婉婉通髮垂鏡匳箴管旁書史常紛披雖無研覃

功頗有穎妙思因汝肄業候感我趨庭時夢裏懷

親顏花影春風吹

先君子詩稿中有夔門和杜集一卷

宣尼著明訓學詩本周召嘯嘯關雎聲祥和氣先

導動靜謝宴私可以感郊廟勝侍被柔嘉車服消

矜傲豈徒性情端兼且文詞妙囑汝三再思涵咏

宣蘊奧罄絲閑汝性紛悅勤汝操珩琚節汝步環
瑣淑汝貌立言貴衷德師古宜執要哀樂得其平
闈門起風教

婉麗擅天姿燦以珠翠妝忠孝有根底飾以經籍
光緬惟古賢媛班左能文章淵源溯風騷貞淑久
彌彰厥後代有作靡曼不可詳采藻非不新正音
轉微茫按之無邪思毋乃踰範防汝雖非男兒期
於名姓揚亦須傳素風世業詩書長務使才與德
相成毋相妨慰我垂老懷門楣著令望戒哉勿貽
正始集 卷十五

二

紅香館

濯永承芬芳

已卯秋琳兒分校泮闈撤棘數日得松孫京

闈捷音喜而有作

桃李新栽正滿門忽看金帖耀朝暾鯉庭授業師
兼父桂籍傳芳子繼孫敢謂公明邀美報且欣登
進謝私援彩毫倘續文昌錄好爲吾家特紀

恩

九十自壽

八旬剛喜集華裾花裏頻年奉綵輿身闈平安還

是福耳聽歌頌恐嫌虛養生有術惟知命遣興無
方只看書九十光陰行萬里儘憑白髮笑盈梳
猶記親闈問寢忙春風柳絮滿庭芳傳經錦水依
妝閣執饋灤河侍畫堂塞上雲山都入稿嫁時衣
帔尙留箱燈前笑把平生話應比開元舊事長
故園親手課蠶耕繞屋東山曉翠橫慈教敢誇貽
禮法書生須不負科名清芬世守先廬舊章服身
慚異數榮一事差強人意處年來耳目尙聰明

官閣香濃對綺筵喜聞輿論使君賢承平井里舒
正始集 卷十五 三 紅香館

民氣羅列曾元慰暮年翠栢霜濃知閱世紅梅日
暖好傳箋他時得遂期願望還乞羣公祝壽篇

周歸妹

浙江錢塘人。歸妹年十二。卽能吟咏。其戚某歸林下。聞其名。延之。應聲賦此。

嘆爲奇才

呈某公

久辭榮祿賦歸田。瀟灑林泉志渺然。一路雲山尋
勝景。小園燈火話當年。消寒最好三杯酒。掃雪剛
逢二月天。窗外梅花開徧否。草堂今夕臥詩仙。

蘇季蘭

字初。香江蘇常熟人。知州去疾女。○按去疾字園公。乾隆癸未進士。有文名。初

蘭幼而穎悟九歲時園公抱置膝上命卽景賦詩應聲咏此園公愀然日詩佳但意境太清恐不永年耳旋卽徂謝

中秋咏月

秋宇極高迥月華明且清瓊樓在何處昨夜夢瑤

京

楊瓊華

漢軍人按察使重英文舉人明新室知縣德豫母○按重英於乾隆三十三年

隨將軍明瑞進剿緬甸被執訛傳已降實抗節不屈緬人囚之僧寺越二十一年緬

旨褒獎

甸奉表投誠始送還卒於途得釋其子長齡出獄授三等侍衛瓊華當父

在緬甸時素服持齋時遣人周卹其弟時稱孝友今尙在年八十餘子二孫二俱中

正始集

卷十五

四

紅香館

科乙

聞長齡弟蒙

恩釋獄

乍聽金雞下赦竿廿年今始脫南冠淚凝狴犴傷

公冶血灑弓衣愧木蘭絕域風霜生馬角

九重雷雨洗忠肝遙知多病垂衰老應爲嬌兒一

進餐

戊申七月緬甸送家嚴還 朝蒙

恩旨垂獎有駕蘇武而上之諭恭紀

廿載棲遲寄緬僧，曩臣心跡玉壺冰。

九重明詔稱蘇武，萬口訛言說李陵。地拆金沙雲

盡瘴，天開銅壁鐵為繩。鐵繩橋名白頭辛苦蜻蜒驛，痛

哭迎親恨未能。

于

潔，漢軍人，尚書諡襄，勤成龍女孫，按察使。鰲圖女弟，四品宗室，魁明室，以節賜。

旌。潔早寡，守志五十餘年，今尚存年七十餘。嘉慶間，鐵冶亭尚書誤為已故，採詩入雅頌集中，殆亦准文。

沙女史未亡人之例耳。

寄兄滄來

織盡人間寡女絲，三更滄淚一燈知。近來焚却從

正始集

卷十五

五

紅香館

前稿不為懷兄不作詩

兒女乾嗁溼哭餘，偷閒才得寄家書。望兄好繼襄

勤業，莫使官聲竟不如。

金

淑，字文沙，號慎史，浙江嘉善人，諸生。沈錫章室，著有得樹樓集、墨香居畫識。

沙早寡，以詩畫名世。阮雲臺尚書撫浙時，

選兩浙輜軒錄例，選已故誤收文沙詩入

選文沙詩以謝之，有未亡人得從寬。

例文選臺應被誤傳句立言有體。

題自畫山水

尺素烟霞起，孤峰戶外斜。隔溪翠微裏，猶有幾人

家

題自畫天風蘿屋圖

禿盡千林見遠峰，只留蒼翠兩三松。有人屋底寒如此，黃葉堆門過一冬。

朱

澄

字聽秋浙江嘉善人

唁女兄金文沙

世事都如此，驚看逝水流。歸期當在夏，悲思不因秋。忽忽經年別，茫茫大地愁。丁寧惟一語，萱草可忘憂。

劉琬懷

字撰芳江蘇揚湖人編修嗣緒女兄典史盧朗峰室著有問月樓草

正始集

卷十五

六

撰芳爲紅香館

女史虞友蘭女與弟茝

初同承慈訓各以詩名

夜坐與弟論詩卽贈

作詩如結交，要見肝膽真。何須借雕飾，文情互自陳。靈氣貫健筆，慧心絕俗塵。譬若蠶繅絲，乃類石蘊珍。古懷淡淡月，新艷蓬蓬春。內筆雖自得，前人勞問津。繩墨漢魏古，變化莊騷醇。下逮唐與宋，派別途可循。妙在意會閒，音節轉屈伸。如君貴能獲，律細深苦辛。鍾磬及表聖品，在好結鄰。

春陰曲

東皇釀就春陰好肯放韶華過草草斜風未起雨
散絲屋角鳩聲呼不了迷濛原是養花天花光冷
淡劇可憐柳枝招搖向樓畔欲舞不舞遮鞦韆畫
簾一桁垂烟重輕寒料峭清明送庭院沉沉雲影
低箇中藏得尋詩夢

過露筋祠

孤潔誰能表涼風開白蓮羣鴉棲殿角一鷺立門
前夕照靈旗捲殘雲畫壁連幾聲嗚咽水寒絕似

湘絃

正始集

卷十五

七

紅香館

重九寄諸兄翁

看雲正直雁來天聊寫閒情托素箋春草每尋前
夜夢大雷重檢舊時篇黃花寂寂開三徑紅葉蕭
蕭又一年今日古華山翠滿幾人落帽夕陽邊

杞菊花前秋興豪未知佳節可登高好邀明月成
三影休使新霜感二毛門外更無人送酒籬邊剩
有我題糕邇來懷抱從誰訴倚遍西風讀楚騷

羅

臨字福五河南懷慶人教諭
陳經世室著有荷蘭小草

花蕊夫人

君知責男兒胡爲怒女子盍同阿母心煌煌照青史

王薇玉

字采薇號玉珍江蘇武進人知縣光燮女巡道孫星衍室著有長離閣集。按

星衍字淵如乾隆丁未榜眼有才名玉珍愛繙道家書時有出塵想年僅二十四而卒淵如序其詩付梓集中佳句如蟲依香影垂簾網蛾怯晨光墮帳紗五更霜月欺

鏡影一樹風鴉積雁聲一院露光圓作雨四山花影下如潮人爭傳誦

望夫石

妾顏初如花妾心已如石定情雙妍姿不忍君歸見衰色妾顏將凋心不移妾身已化君始知冰爲

正始集

卷十五

八

紅香館

肌草爲鬢山頭無人寄君信妾意淺君心深恐君復化填海禽海禽未銜石方動不作巫雲入君夢

夢天

碧闌十二花無數桂葉低籠若青霧蕊宮誰遣別魂游只有青禽送來去波離扉薄不上關對語月姊瓊樓閒銀河珊瑚瀉聲小手弄白雲天下曉

舟過丹徒夜半與夫子登岸行三里許

幽行已三里村落半攤扉隻鳥時依樹孤螢不上衣月高人影小潮定櫓聲稀沿水星星火歸鷺宿

鷺飛

顧

瑩

字素光號青澗江蘇無錫人諸生華維蕃室著有青澗遺草

對梅有感

瀟灑丰姿自出塵天涯難寄一枝春殷勤分付東風道留取清香待主人

陳慧殊

字湘著浙江海寧人舉人張問安室著有香遠齋詩稿

寒食

不斷春前雨東風到薜蘿詩逢新意得愁為故情多花信遲黃蝶庭陰徧綠莎一番寒食節又向客

正始集 卷十五

九

紅香館

中過

琴

嶧陽古梧樹清脆斲鳴琴風雪憐遲暮泉流共淺深幽懷成獨往曠代絕知音無復鍾期遇寥寥空

寸心

林佩環

順天宛平人布政使儒女知府張問陶室。按問陶字躬山乾隆庚戌進士以

詩畫名與林氏琴瑟諧和得唱隨之樂

夫子為余寫照戲題

愛君筆底有烟霞自拔金釵付酒家修到人間才

子婦不辭清瘦似梅花

楊繼端

字古雪四川遂寧人同父韞五女
主簿張問萊室著有古雪詩鈔

進峽

川曲疑無路峰高直入雲
船從山底出水到谷邊
分樹影臨流見猿聲隔岸聞
行行將百里回首夕

陽暉

張瑤瑛

字嶺舟浙江仁和人諸生王
健庵室著有繡墨齋偶吟

西湖

釀花天氣雨初晴一片清光兩岸平
最好湖心亭

王始集

卷十五

十

紅香館

上望滿隄人似水中行

汪元照

江蘇丹徒人
篠園女弟

雪中渡江

烟中老樹葉全凋渡口人多語漸囂
雪滿江灘疑上月風來滄海欲生潮
且貪擊楫追魚艇寧畏乘槎泛斗杓
終古廢興猶在眼孫劉往事幾魂銷

黃嘉

字季雅江蘇上元人

遣興

綠陰深院靜高詠倚庭梧
水暖魚吞絮花香蝶抱

鬚婢翻吹笛譜兒展鬪棋圖簾幕東風軟聲聲聽
鷓鴣

小園

嫩日閒園爽空階秀竹孫亂藤穿石罅老樹立雲
根水漾青浮榻山涵翠到門耽吟憐幼女待字未
成婚

李湘芝

字秀貞山東歷城人縣丞
王初桐側室著有柳絮集

閨詞

合歡鴛被錦爲池四緊紅紗繡折枝斜月到牀清
正始集

卷十五

七

紅香館

夢覺嫩涼天氣五更時

紅娘子是紡絲蟲草際生擒貯一籠掛近牀頭通
夜響秋聲都入夢魂中

張玉珍

字藍生號清珂江蘇華亭人通判夢
喈女諸生金鋤室著有得樹樓稿

立秋前一夕作

樓居宜趁晚涼天風過疎簾短榻邊滿地桐陰扶
月上一聲蟲語報秋先吟因久病詩情懶味爲安
貧菜甲鮮自嘆餘生無箇事只容消受藥爐烟

金

兌

字湘芷江蘇長洲人諸生鳳翔女○按
湘芷爲女史毛鼓女幼承母教善丹青

秋日雜興

秋來只有睡工夫水檻風涼近石湖却笑溪邊老
漁父垂竿終日一魚無

唐慶雲

字古霞江蘇吳縣人總督阮元側室著有女蘿亭稿○按阮元字芸臺乾隆已酉傳臚以詩文名大兒麟慶房師毛吟樹學士座師貴雲西少宰皆公門下士也

詠漢金釭

玩此黃金釭我懷感古昔燕燕來趙家姊妹並殊
色聯翩入昭陽同侍君王側昭儀籠更深宮舍競
華飾銅沓白玉階翠羽綠熊席壁帶爲列錢二等
正始集卷十五
十一
紅香節
圓一尺團圓似月明中嵌藍田璧漢宮旣爲燼耕
夫破荆棘得此一規銅尙是西京迹莫問倉琅門
春燕不相識

初夏夜

夜坐樓前思悄然清和時候二更天風從嫩竹梢
頭軟月向新桐葉底圓覓句心閒拈句寫看書眼
倦抱書眠偶然一夢如仙境醒後香烟滿袖邊

初夏晚階

芸臺夫子

孔夫人聯句

四夏庭前趁晚涼

夫子

藤床棊几伴書囊
夫人綠槐葉

密猶篩月古紅藥枝殘尙散香夫風定閒階人意

靜夫人影昏虛壁燭花長古此時却憶文樓外夫應

聽清吟繞曲廊夫

和 夫人除夕韻時夫子權撫河南

春風又到畫堂前爆竹聲喧不耐眠柏子烟消衫袖底梅花香到鬢絲邊共聯清韻送殘臘更寫新圖迎稔年却為敲詩思遠客梁園獨自擘吟箋

元夜

上元佳節峭寒收却為爐香削翠裘千戶笙歌春

正始集 卷十五 三 紅香館

富貴一家觴咏晉風流紅搖艷燭浮雲髻月引遊

人上綺樓遙想夷門森畫戟可曾清讌似蘇州

夏日 夫人劉書之宜人月莊姊聯句

文選樓前送夕陽夫湘簾捲起步迴廊暮庭不礙

梧桐影書晚飯才聞茉莉香月地橫鋪雙榻淨月

風檐遙掛一鐙涼重門靜掩同吟久古那管銀河

繞屋長夫

送 夫人歸寧曲阜

吟就新詩拜女君朝來未忍暫相分星含別意將

離月風帶春愁欲送雲楊柳帆檣波渺渺杏花村
落雨紛紛泗濱芳景成秋色望把歸期早寄聞

太常仙蝶又至小園呼之落臂喜賦

一番秋色小園新雨後看花絕點塵却爲風輕頻
落臂吉祥仙降吉祥人

與月莊姊鬪草

閒花冷葉盡詩懷却爲青茵步小階聊把芳名相
對數不須眞箇賭金釵

冬日書齋

正始集

卷十五

古

紅香館

冬日齋中不覺寒讀書餘暇倚闌于案前一片玻
璃鏡背後瓶花對面看

咏畫烏絲闌

烏絲欄畫格雅韻重香奩洗硯持斑管開函研素
縑幾番書可寫半卷字重添一線隨心正干條出
指尖分行憐細細隔界愛纖纖墨帶檀槽埽針連
碧縷拈四方皆逼直百道盡精嚴玉尺攜偏冷鉛
刀劃未銛梳來微若髮織去影如簾彷彿蠶纈吐
依稀蛛網黏窗櫺描欲似棊局仿何嫌隸楷題新

句還將小印鈐

嚴蕊珠

字綠華江蘇元和人諸生家綬女著有露香閣草

滄浪亭

瀟灑前賢地閑尋曲徑行
野花自開落山鳥忽飛鳴
風月容長笑漁樵問舊盟
濯纓人不見孤影鑒澄清

春日雜詩

黏天芳草翠平鋪三月江南似畫圖
小立溪邊春被袂水中人影萬花扶

正始集

卷十五

五

紅香館

趙同曜

字洵嫻江蘇常熟人諸生邵廣融室著有倚雲樓稿

對鏡

曉牀日日與君親可奈相逢隔月輪
對面不妨原是我回頭欲問更無人
漫疑笑眼還相笑只恐顰眉便效顰
絕頂丹青無過此周旋形影孰為真

張瑞芝

安徽桐城人舉人水容女諸生方祺室著有瑞芝閣遺草

示兒

奢侈非吾願艱難望爾知
卽今傳一飯作苦費三時
堂構基休棄膏梁習莫移
薄田慚數頃負郭賴

支持

冬夜

北風催木落遙聽嶺猿鳴
雲淡星河靜月明天地
清檐梅淩雪瘦池水結冰輕
燈火鄰家婦機聲徹
四更

芭蕉

柄能作扇風餘韻葉亦宜書字
欲香何事獨遭修竹忌一封彈奏
達花王

張愛芝

瑞芝三妹○姊玉芝亦工詩與大姊瑞芝合刻有三芝軒詩存

正始集

卷十五

六

紅香館

送別大姊

風雨瀟瀟暮空山落葉頻雁聲何太急
愁煞別離人正苦杯中酒難為夢裏身
殷勤相送罷回首泣江濱

惜陰亭

綠滿苔痕曉露侵惜陰亭上自登臨
松花冷落無人問竹葉飄零有鳥吟
想像當年曾運甓蕭條此地獨聞砧
空山廟貌留遺澤樅水東流自古今

卓

璨

字文瑛浙江仁和人著有俯滄樓稿

新秋坐月

月光斜照碧窗幽夜色堪憐最是秋侍婢尙牽金
井水玉盤涼浸小茶甌

梁德繩

字楚生浙江錢塘人大學士諡文莊詩正女孫即中許宗彥室

落葉

山紅澗碧已都非賸有空林掛落暉煮茗香清三
徑埽曳筇聲碎一僧歸詩人老去存高格仙子閒
來補故衣誰道摧殘無可惜攀條有客尙依依

張淑

字蘭仲安徽懷寧人知府熊象階母著有晚香詩鈔

正始集

卷十五

七

紅香館

呈外

儀狄一造酒萬古歡顏開吁嗟好女子創造真奇
才余性不能飲日日治罇罍夫子雅好客一飲三
百杯斗酒不時需倒盡拍案催罵坐客盡散甕邊
玉山頽婦人遺害大狂藥誰能裁喃喃咒杜康尤
句杜康豈受哉

戴玉萼

字綠華浙江諸暨人諸生余祖蔭室

謝外寄春衫

窄袖春衫小樣新勞君遠寄別離身幾回對鏡增

長嘆不是當年綺麗人

丁素娟

字仲蘭江蘇長洲人金
光曙室著有蘋垞雜咏

對雪有感

病餘弱息半摧殘。况值瀕饑逼歲寒。無計遣愁歌
當哭。有誰知我雪爲餐。心灰空想噴香獸。影隻還
羞照鏡鸞。何處鄰光堪暫借。擁氈且自學袁安。

梁青笏

字芳白江蘇無錫
人著有紅雪樓集

秋夜接女伴書

涼月照空階。悲風撼庭樹。芙蓉落秋水。美人渺烟

正始集

卷十五

六

紅香館

霧啟戶。見雙魚千里。將尺素。采采瓊瑤枝。持以申
積素。願借西南風。吹夢江東去。

易淑班

安徽歙
縣人

除夕

強將華燭延殘臘。喜得承歡聚膝前。欲望兒成欣
改歲。却愁姑老怕添年。梅花已報三春信。爆竹全
消五夜眠。韻事何妨闋。效也將杯酒。醉詩篇。

緜

綰

遺其姓江蘇江陰人洪生
室。綰綰早寡以清節稱

題命蒂蓮畫

水雲鄉裏見溫柔多少癡娃盪畫舟江上孤鴛勞
寄語背花飛去莫回頭

席佩蘭

字道華號浣雲江蘇昭文人庶吉士孫源湘室著有長真閣稿○按源湘字子

瀟嘉慶乙丑進士有才名浣雲刻苦吟詩與子瀟共案而讀互相師友

織女歎

秋月已如雪秋風已如鐵孤燈耿寒光有女當窗
織廢我一宵眼看絲仁盈尺廢我兩宵眼看絲不
成匹豈不畏龜手此心凜無逸昨日入城提蟹筐
東鄰嫁女耀豐妝綵幣千百束綺羅十二箱龍章
正始集 卷十五 九 紅香館
象服何煌煌平生不識蠶與桑歸來泣對機中錦
知與誰人作嫁裳抽刀斷機不如寢又聽絡緯嗁
金井

夫子報罷詩以慰之

君不見杜陵野老詩中豪謫仙才子聲價高能爲
騷壇千古推巨手不待制科一代名爲標夫子學
詩杜與李不雄卽超無綺靡高唱時時破碧雲深
情渺渺如春水有時放筆悲憤生腕下疑有工部
鬼或逞揮毫逸興飛太白至今猶未死豐此吝彼

理或然不合天才有如此今春東裝上長安自言
如芥拾青紫飄然幾陣鯉魚風歸來依舊青衫耳
囊中行卷錦繡堆呼鏡展讀紗窗底燕晉山河起
眼前春秋風月藏詩裏人間試官不敢收讓與李
杜爲弟子有唐重詩遺二公况今不以詩取士作
君之詩守君學有才如此足傳矣閨中雖無卓識
存頗知乞憐爲可恥功名最足累學業當時則榮
沒則已君不見古來聖賢貧賤起

古鏡

正始集

卷十五

三

紅香館

一片秦時月清光萬古新對君原是我知爾閱多
人難使年華駐翻嫌面目真深藏如不露何處著
纖塵

喜外歸

曉窗幽夢忽然驚破例今朝雀噪晴指正輪歸
路日耳邊已聽入門聲縱憐面目風塵瘦猶覩襟
懷水月清好向堂前勤慰問敢先兒女說離情

十四夜月

最高樓閣最瓏璽齊出玻璃面面屏十里青山波

浸透一城秋夢鶴呼醒天無表裏皆澄徹月在中間是性靈萬事將圓未圓好此情說與素娥聽

十五夜月

吹徹碧雲何處簫一輪捧出九層霄影如秋水無渣滓光閃明星欲動搖萬古不磨惟此鏡百年幾度是今宵願天月與人俱好暗把心香歲歲燒

柳絮

白似輕霜軟似綿東風飄泊最堪憐不如點入桃花水化作浮萍轉得圓

正始集卷十五

三

紅香館

寄衣曲

欲製寒衣下剪難幾回冰淚灑霜紈去時寬窄難憑準夢裏尋君作椽看

刺繡

手擘香絨一縷輕殷勤揀取眾芳名紅顏大半霜前落不繡芙蓉繡女貞

南歸日題上黨郡署壁

雨後梨花片片殘飛來如露溼闌干一花一木尋常見到得離時却耐看

一回首處一凄然弱質曾經住兩年呼婢留心檢
妝盒莫教人拾舊花鈿

陳瑞輝 字蕉窗浙江永嘉人通判張泰青母著有熊丸集○蕉窗早寡親課二子俱成

名曙暉夫子守東甌時采訪節孝曾表其閭

獨坐

獨坐晚涼天空階秋氣先蟲吟庭草外雁斷野雲
邊月皎星無影風平霧若烟徘徊思往事卽景淚

漚然

春陰次五妹韻

正始集

卷十五

三

紅香館

閒向金猊試水沉東風庭院暮雲深養花天氣春
將晚十二欄杆遍綠陰

順

氏 江蘇丹徒人敘授黃掌綸室知縣鳴盛母○按鳴盛字弁町曾祖母韓祖母吳

母順俱以節孝著兼工吟詠丁亥冬氏年八十有一會元繞膝有司循例題旌得

旨賜五葉衍祥額氏因繪家慶圖以紀曾索觀余
所刊各種書籍並此稿手書四絕付還余

慚過睿特以壽人之贈今并存之

自題家慶圖

久住析津爲舊宅又來中土沐

皇恩承家孝友先賢訓教士端方古道敦幸有長

男偕長婦又看曾祖抱曾孫一堂五世沾

天澤深愧人言積德門

贈珍浦太夫人

鶴背青囊遵古制恩同再造賜仙丹

曾服賜藥宿病頓愈天

生慈善膺多福修已安人心始安

正始集詩崇雅正無關風化恰宜刪采葑采菲留

名姓全豹猶能見一斑

蘭閨寶錄纂修成扶植人倫有定評筆削千秋尊

信史婆心一片露真誠

正始集

卷十五

三

紅香館

遜菴語錄慈山記佛法推為最上乘五十三參今

再現太夫人已得傳燈

白

字語生江蘇江寧人
廷評女著有紫石吟

除夜偶成

堂前分歲拜華茵金盃初斟酒一巡小婢添歡爭

守夜稚兒帶醉帖宜春漏長不作通宵夢更盡都

為隔歲人收拾辛盤待天白韶光又見一年新

王碧珠

字紺仙江蘇元和人汪心農側室○按
心農曾選閨秀詩為韻芳集紺仙與朱

意珠均其侍姬也分
任校讐故所學益進

冬夜月下聞笛

院靜霜初下誰家玉笛橫樓頭寒月上窗外白雲
生調逸疑三弄風高送一聲餘音聽不倦獨坐愛
雙清

黃

氏

廣西藤縣人貢生聘
女教諭潘兆萱室

書家信後

含愁書紙尾遠寄桂江隈相見知何日庭花落又
開

劉蘩榮

字澗芳江蘇儀
徵人阮某室

正始集

卷十五

三

紅香館

答女史唐古霞卽用原韻

選樓連日百花開却奉吟箋句答裁寄語長安千
里外舊時燕子又飛來

國朝閩秀正始集卷十六

完顏暉 珠珍浦輯 女孫伊蘭保校字

張允滋

字滋蘭號清溪別號桃花仙子江蘇吳縣人諸生任兆麟室著有潮生閣集。

按兆麟字心田以詩名滋蘭幼受業徐香溪女史之門工詩文兼寫墨梅比歸心田

借隱林屋山中琴瑟唱和詩學益進繼與

同里張紫蘩芬陸素窗瑛李婉兮徽席蘭

枝蕙文朱翠娟宗淑江碧岑珠沈蕙孫纈

尤寄湘澹仙沈皎如持玉結清溪吟社號

吳中十子媿美西泠嗣又選定諸作刊吳中女士詩鈔附以詞賦及壻體文藝林傳誦與蕉園

秋夜懷心田夫子

正始集 卷十六

一 紅香館

雨霽銀燈夕。纖雲入暮天。芙蓉還寂寞。秋水自嬋娟。

寒雁聲疑斷。虛窗夜不眠。思君在高閣。清夜撫

冰絃。

燈花和香溪徐夫人韻

軟草花含吐丹心不作灰。懸知來日事先已報糝

臺

張

芳

字紫蘩號月樓江蘇吳縣人舉人曾彙女州同夏清河室著有兩面樓偶存稿

○姊蘊字桂森亦工詩著有別雁吟草

秋夜懷寂居禪友

樓空秋思迥。憑眺獨蕭森。月鏡開靈覺。霜鐘警道心。可憐黃葉落。無奈白雲深。想得安禪處。天花正滿林。

白楊花和碧雲王妹作

柳絮飛來風片斜。牽人魂夢散梨花。淡烟明月迷隋苑。玉燕珠簾憶謝家。鶯舌好翻新樂府。蛾眉消却舊韶華。綿綿欲斷渾難斷。萬縷離情怨暮笳。

寄懷素窗陸姊

回文調寄虞美人

明窗半掩小庭幽。夜靜燈殘未得留。風冷結陰寒

正始集

卷十六

二

紅香館

落葉別離長望倚。高樓遲遲月影移。斜竹疊疊詩餘賦。旅愁將欲斷腸隨。斷斷夢雁飛連陣。幾聲秋

陸

瑛字素窗江蘇吳縣人貢生羅康濟室著有賞奇樓草蟲餘稿。素窗工填詞得

宋元人神韻

十愁詩

錄一

殘照西風碧樹秋。行雲望斷楚江樓。不知何處吹

橫竹喚起新愁與舊愁

李

嫩字婉兮江蘇吳縣人諸生陸景室著有琴好樓集

懷清溪張夫人

楊柳澹春陰池塘過疎雨所思人不來悵悵徒延
佇閒庭看落花花落已如許好鳥自嚶鳴不解離
情苦

秋夕

十二層樓夜月明美人簾底坐吹笙芙蓉露冷秋
衣薄翻到霓裳第幾聲

席蕙文

字蘭枝號耒芝江蘇吳縣人知縣
紹元女著有采香樓詩草自怡集

懷沈妹蕙孫

夜雨洗遙山空翠靜如拭涼風襲羅衣卷簾愛秋

正始集

卷十六

三

紅香館

色言念素心人良晤不可得試採芙蓉花相思渺
何極

陳園別靜宜歸途作

意托微波脈脈情隨芳草萋萋惆悵名園花柳送
人各自東西

秋日登山閣

雲盤石磴路重重寂寞亭臺蕭瑟風一抹烟光凝
晚翠三分秋影澹遙空青山城郭斜陽外黃葉人
家細雨中更上一層憑眺遠予懷渺渺向誰同

杜陵草堂

萬里橋邊結伴遊
草堂景物倍清幽
斜陽衰草成荒徑
老樹寒鴉變暮秋
潦倒半生悲患難
文章千古擅風流
先生遺址誰題句
憑弔重教旅客愁

朱宗淑

字德音一字翠娟江蘇長洲人諸生雲驤女著有修竹廬吟稿

烈婦行 并序

嘉定鄭烈婦朱氏事姑孝謹繼因小姑搆讒同夫出居於外食貧居賤艱苦備嘗未幾夫喪以柏舟自矢攜其子歸子又殤遂

正始集

卷十六

四

江香館

無意人世不食而死余聞而哀之作烈婦行

妾命薄兮奈何託君子兮絲蘿洗手作羹兮事姑姑色不喜兮婦心獨苦回問小姑兮姑意云何一解

哀哀逐子中心孔憂維妾之故罹此譴尤嗟哉徒有子婦欲侍堂上靡由二解庭前樹一朝枯秋風急

啼棲烏君一去兮妾身孤忍死兮為此呱呱三解天

降禍兮孰知其端巢既覆兮卵不完靜言思之摧

心肝四解妾不能事姑又不能撫子偷生何為餓死

相從地下耳白雲悠悠清泉泚泚妾心苦兮誰知
妾命薄兮如此

五解

題徐元歎先生晤言圖

風流猶昔日姓氏託遺編隱士兼遊俠詩宗更老
禪空山落殘雪野岸斷人烟會得無言意還疑強
著詮

贈江碧岑姊

寒夜長吟一卷詩斯人何幸得同時直教孔思周
情合始覺班香宋艷卑經史不妨充蠹腹文章從
正始集

卷十六

五

紅香館

此屬蛾眉慙余筆硯應焚却欲步芳塵悔已遲

江

珠 字碧岑號小維摩江蘇甘泉人諸生吾
學海室著有清藜閣小維摩集○碧岑

工詞賦尤
長駢體文

遊白雲泉

入山路盤紆小構容膝屋此中秋色佳檻外雲相
逐看山務看骨方識真面目山骨清且空泉乳滿
其腹涓涓石竇閒注以靈根竹聽之洗人心泠然
奏琴筑咒鉢乳花浮無猜鳥爭啄山僧定何許消
此清淨福樹老不礙雲嵐飛時龔服登高試一呼

千峰應空谷歸來失清境好夢良難續

讀周硯雲女史詩稿題此寄慰

硯雲名佛珠

新詩品寒梅味之有餘清一卷冰雪文字與血淚
并傷哉陶婦歌夜半猿哀鳴子身茹荼孽無乃悲
獨生嗟哉硯雲子斯恨曷能止清風播彤管境苦
德轉美觀身如皓月觀心如止水好去參禪宗了
悟無生旨

和清溪姊春日閒居韻

錄一

花木深三徑神幽境亦虛研經探至理考古嗜奇

正始集

卷十六

六

紅香館

書清夢鶯啼破殘梅鳥啄餘謝家風韻好晏坐賦

閒居

送半客之上江兼訂來春偕往之約

青山列座酒盈觴病待春風好去鄉兩口累身殊
可厭一瓢行腳更無方艱辛涉世緣饑迫慚愧勞
生試藥忙只要此心澄似水人閒何地不清涼

沈

纒

字蕙孫號散花女史江蘇吳縣人教授

起鳳女諸生林衍潮室著有續餘集翡翠樓詩文集浣沙詞○蕙孫工吹洞簫製有簫譜

田家雜興

曉色破春林微雨溼茅屋驅犢出門去平疇靄如
沐禾黍自懷新生意何或或遠岸桔槔閒谷鳥鳴
相逐薄雲漏晴暉陽和轉溫煥黽勉事耘耨有年
從此卜

向晚羣動息杖策來東菑鄰舍多好懷往還無厭
時平生守直道詎假智慮爲辭質意彌直禮疎情
不移古風轉淳樸徒爲薄俗嗤

東風昨夜來不知草木長曉起荷鋤出眺此平原
廣牆頭桑葉白屋後春泉響節令時迭更風光正
正始集 卷十六 七 紅香館
駘蕩野老散雞豚相逢時倚杖

穹室競熏鼠歲晚百務閒踪跡遠城市陶然西疇
閒新酒可介壽園蔬供夕餐不惜三時勤獲此終
歲安貧賤瘁筋力貌苦心亦歡衣食幸自周苟免
饑與寒

阻風黃浦和夢韓韻

帆影落波光迢迢水一方潮聲飛雨白風色挾沙
黃海日生蓬島江離裊楚裳騷人無限意高詠獨
蒼茫

題趙承旨畫蘭

可憐王者香零落顛頽瀟湘第一枝空向新朝誇
畫筆難爲騷客寫愁思故宮落日悲荆棘周道秋
風怨黍離何處託根猶故土淡烟細雨伴江蘼

書中乾蝴蝶

此身未肯沒蓬蒿翰墨鑽研志趣高
早竝蟲魚登爾雅自尋香草到離騷
憐他金粉耽細帙寫爾芳魂托綵毫
一卷南華憑夢醒始知栩栩亦徒勞

題二喬觀兵書圖

正始集 卷十六

八

紅香館

舳艫杖盡仗東風應借奇謀閨閣中
曾把韜鈴問夫婿誰言兒女不英雄
陰符偷讀妨描黛繡帙雙開見唾絨
一十三篇勞指授蠛蠓餘烈本吳宮

尤澹仙

字素蘭號寄湘江蘇長洲人著有曉春閣集○寄湘工填詞及駢體文

春夜喜山人送梅

寒林漠漠春無影欵扉有客來銅井
折得梅花遠寄將一枝猶帶溪雲冷
我亦羅浮謫下仙相逢此夕豈徒然
狂呼明月伴我飲世人那識三嬋娟

讀武侯傳

經世推王佐伊周共瘁勤君才能一統天意定三分
飲血承遺詔攻心靜微氛英雄終古恨淚洒出
師文

沈持玉

字佩之號皎如江蘇長洲人著有停雲閣稿○皎如父母無子事親以孝稱

落花和江碧岑姊韻

笛裏誰家怨吹來總斷腸六朝春夢短終古別愁
長天地老烟景江山空夕陽尋芳歸路晚贏得馬
蹄香

張

靈字湘人江蘇長洲人
教授沈起鳳側室

正始集

卷十六

九

紅香館

胥江送別夫子

吹笛向春樓春風起暮愁何人折楊柳江水自孤
舟薄俗無青眼高堂有白頭臨行重悵望空作稻
梁謀

王

瓊

字碧雲江蘇丹徒人諸生柳村女弟著
有愛蘭軒集及詩話八卷○愛蘭年未

笄卽能詩五言如鳥語亂殘夢雞聲送曉
風夕陽不在山春烟生木末皆極雋逸兄
女迺德字子一迺容字子莊表姪女季芳
字如蘭俱工詩合刻種竹齋閨秀聯珠集

謝張月樓夫人贈序

文章以神合投贈見胸襟人鬱芝蘭氣詩含冰雪

心感君貽一曲寒月下踈林靜夜思何限迢迢江
水深

埽徑

菊殘三徑懶徘徊楓葉飄丹積滿苔我正有心呼
婢埽那知風過替吹開

張

因字淨因湖北江夏人舉人黃文
賜室著有埽垢山房唱隨集

送外赴試

落葉滿階砌西風鳴紙窗曉起促行色相對兩茫
茫雖無久離別中心自感傷何如百里婦屢屨炊

正始集

卷十六

十

紅香館

春糧朝餐渾未備枵腹赴征航細雨溼行袂涼颼
吹短裝飢鴻唳天表寒鷺下林塘行李太單薄何
以禦嚴霜執手斯須立有淚已盈睚丈夫富經術
憂患天所嘗行矣勿復顧努力事明揚秃筆吐異
彩古墨發新香不挾兔園冊惟憑胸所藏幸逢冰
作鑑慎勿輕文章

春日湖上偶題

湖上春光麗風微日正和蝶隨芳草集柳近畫樓
多鶯囀疑絲竹花香散綺羅誰能攄彩筆寫出好

烟波

題江碧岑女史龍女抱經圖

珠簾不捲坐焚香小字維摩病合當要識多才天
亦忌蓮臺只合拜醫王

已歸淨土結蓮胎更向塵寰見異才讀盡儒書千
萬卷又從佛座授經來

周禮蘭

字素芳江蘇長洲人知縣兆熊女李大楨室著有浣雲樓詩草

待月

待月臨書幌涼風拂素襟不知滄海遠翻訝白雲

正始集

卷十六

七

紅香館

深小院桐陰薄銅壺漏滴沉試看懸玉宇還勝夜

珠臨

瓜爾佳氏

滿洲人自號吟香主人

讀漢書偶題

鴻溝割據各東西楚漢爭雄震鼓鼙試聽劉家大
風曲何如垓下泣虞兮

不聽蒯通言至此龍門妙筆表純臣淮陰功業空
千古生死偏由兩婦人

劉

氏

山東莒州人舉人成均女著有綠筠軒草

早梅

蕊結春回日花開雪盡時
殷勤呼婢子莫折近窗枝

鄭 珊 字瑤軒廣東恩平人知縣馮德濬室著有三聽樓詩鈔

初春

芳池如鏡薄烟籠
草色青回夜半風
春到人閒無幾日
小桃初放一枝紅

殷德徽

安徽歙縣人知縣錢撫棠繼室著有清映堂詩稿

孫夫人

正始集

卷十六

三

紅香館

中原得鹿孰能先
吳蜀連和國運綿
失計紫髯甘事賊
傷心白帝竟賓天
有生豈慰恩勤志
一死真教節孝全
千載蠟磯遺恨在
雲旂影裏泣嬋娟

梁夫人

繡旗前隊截江濱
畫鷁船頭桴鼓頻
南渡安危推上將
中興功績話夫人
聞風草木驚強敵
指日聲名震要津
可及西湖同載酒
白頭相享太平春

謁奠先慈神影

遺像依稀寫未真
北堂展拜倍傷神
青衫猶認縫

時線白髮長愁病裏身一息如存呼莫應十千營
奠志何伸此生恨被簪環累罔極無由報二人

紅橋舟次

十里笙簫送午風泛舟人在畫圖中生憎兩岸垂
陰柳遮斷闌干不放紅

馬嵬

十載昭陽寵愛并外家豪侈啟刀兵當時若阻西
川狩何至倉皇大變生

徐暗香

字晚蘭江西南昌人

正始集

卷十六

七

紅香館

重陽

又是黃花節江城樹樹秋雁迷雲外路烟鎖夕陽
舟夜月鳴雙杵高風感徹裘閨中殊寂寞閒理玉
搔頭

吳荔娘

字絳卿福建莆田人拔貢生陳蔚側室著有蘭坡剩稿○絳卿本庖人女幼敏

慧有潔癖歸陳二載而亡

春日偶成

瞳瞳曉日映窗疏荏苒韶光一枕餘深巷賣花新
雨後開門插柳嫩寒初鶯兒有語遷喬木燕多

情覓舊廬那用踏青郊外去芊芊草色上階除

牡丹

名花未放覺春遲航海新添四五枝國色由來描不得世人空自買胭脂

題吳興女士巖靜甫墨竹

諸生西墨女

琅玕嫋嫋影縱橫千尺寒梢一筆成我看丹青先

比較此君風韻却輸卿

王淑貞

甘肅張掖人衛千總楊世雄室以節賜旌著有塞上吟稿

邊塞雜咏

正始集卷十六

十四

紅香館

雉堞迴環氣象雄森森刁斗震秋風紅崖紫峪黃花戍都在登陴一望中

覃光瑤

字玉芳湖南武陵人咫宸女著有玉芳詩草○玉芳早慧工吟咏及笄兄光輝刊其詩集置奩具中藝林傳為佳話

幽居用賈島韻

滾滾紅塵外閒閒綠樹村月生花印榻風動竹敲門好鳥誇山色寒泉訴石根蕭然人境遠相對欲

忘言

陳蕊珠

字蘭谷直隸文安人知府玉友女諸生符貴麟室著有焚餘草

咏古

墮井捐軀亦可嗟
傾城盡道後庭花
長城公自非明主
枉使千秋怨麗華

張

瑩 安徽桐城人方合山室著有蘭閣詩集

壬子春日感懷

小園狼籍暮春闌
微雨輕風尙薄寒
遠信望過三月盡
空懷怕見百花殘
世情半在愁中悟
俗累多因病後寬
幸有圖書堆滿架
消閒取次一開看

吳

恆 字蘭貞浙江桐鄉人知縣張笠溪室著有望雲樓集○按笠溪籍產遣戍比

正始集

卷十六

五

紅香館

赦還蘭貞慰外有明是生還
日猶疑夢見時又浩蕩恩原厚
疎虞悔未遲句立言有體

新竹示子東懷

階前百十笏成林
綠上疎樺曉色侵
漫道干霄多氣象
要渠漸長漸虛心

朱

鎮 字靜媛廣西臨桂人舉人况祥麟室庶吉士樹主事澄母著有澹如軒吟草

獨秀峰歌

桂林之山甲天下
玉笋瑤簪羅四野
一山突起榕城中
此山更是歸然者
上有古廟凌烟霞
下有深潭任傾瀉
前朝藩邸今荒榛
誰問金尊與翠學
旁

有巖君讀書巖萬古藤蘿尙風雅石壁奇崛不可
攀攜壺著屐遊人寡生平未登千仞岡坐對峻嶒
已心寫聞說登山宛登仙一柱擎天如在把橫看
雉堞環江城俯視魚鱗紛屋瓦青雲梯遠孰追隨
碧落碑高恣揮灑羣峰羅列排兒孫眾壑趨承皆
大馬有時峭立何森嚴有時如妝殊淡冶冥冥半
空香雨來飄飄雙袂天風惹我觀此山真奇特我
聞斯言良非假我意不在霄漢聞在乎山水之間
也

正始集

卷十六

六

紅香館

春暮

景過流觴節春深咏絮家微風鶯坐柳細雨蝶藏
花泉活媚清沼窗虛籠碧紗相期邀女伴幾日玩
芳華

聽雨

一夜雨瀟瀟隨風幾度飄秋聲喧薜荔餘滴響芭
蕉窗迥燈花暗香寒烟篆消壁閒蟲語寂清夢亦
迢遙

日用詩

錄四

一粟來非易三升食已豐飯抄雲子潔匙捲雪花
融程程看秋穫穰穰驗歲功素餐天下是不獨糴
閨中米

種菜誠良策披吟旨蓄詩咬根憐爾輩學圃得良
師生意饒三月嘉蔬備四時蒼氓多此色灌漑莫
遲遲菜

名記醃醋異誰將芥醬儲清香含芍藥妙製做葫
蘆調菜功尤遍和鹽味自如八珍斯是主凡品特
其餘醬

正始集

卷十六

七

紅香館

食品每求新於茲獨取陳含香和以橘沽直取諸
鄰妒婦餘風在寒儒得味真醃酸知蚋慕勸學昔
傳荀醋

水東街

浮梁如帶跨東關屋瓦魚鱗處處環諸子衣冠三
代上幾家貧富十年閒春晴客爲看桃過晚市人
多賣菜還最好花橋橋上望烟中樓閣月牙山

春詞

春來草成茵春去花如雨去來人易衰東風自千

古

古才女詩錄二

臣妹才思亞左芬芳名遠向九重聞至今香茗留

遺集薦入騷壇亦冠軍

鮑令暉

織錦迢迢寄遠方迴文端合訴迴腸才思獨創新

奇格難向人閒索和章

蘇若蘭

袁湘佩

字蘭貞江蘇吳江人國子監學正陳毓咸室

春閨

數竿修竹傍溪栽零落殘紅帶雨開正是春愁無

正始集卷十六

六

紅香館

奈處賣花聲過小橋來

程雲

字友鶴號梅衫安徽歙縣人諸生汪文琛室著有綠窗遺稿

晚秋

漏盡難成寐惟聞蛩語催窗開風悄入簾捲月斜
來夜色渾如水秋心絕點埃行吟清露下不盡意

徘徊

蝴蝶

東風爲剪五銖衣覓葉尋香伴亦稀未必鄰家春
獨好如何偏欲過牆飛

沈淑英

浙江烏程人。○妹淑蘭亦工詩著有黛吟草

絕句

眉蹙經年不暫開已將心事等寒灰小鬟不解人
衷曲報道穿簾雙燕來

郝

字秋岩山東齊河人貢生張醒堂繼室
著有碧梧窗小草蘊香閣詩鈔○秋岩

集中佳句如早發平原云車聲撼月影馬
跡破霜痕示子云襟抱狹宇宙形骸束閨

閣詠硯云惟茲一片石
知我萬重心人爭傳誦

歸寧

女行遠慈幃一歲一歸寧兄弟喜相問姊妹歡相

正始集

卷十六

九

紅香館

迎相將入舊室環坐話離情阿母把手問緣何太
瘦生憶昨去膝下母疾體未平瘦生動母憐欲泣
還復停母安兒自安切勿傷零丁區區饑與寒那
敢陳母聽

飲馬池懷古

君不見韓侯拜將東出征平魏破趙天下驚功名
未肯讓伏軾一舉下齊七十城英雄事業付逝水
千年遺恨留青史破敵收城遺自王未央之禍從
此始君王納諫如轉轂相國愛才終反覆王孫一

去不重來池邊春草年年綠

夏日

斜風細雨送微涼
簾幕沉沉夏日長
棋本怡情輸亦喜
詩惟寫意拙何妨
翠篔簹聲裏琴三疊
紅菱香中酒一觴
逸興無窮天欲暮
更看霽月下迴廊

讀史

鄴架牙籤信手開
英雄竹帛半塵埃
時來屠狗亦王佐
事去臥龍非
將才金馬功名託
諧謔長沙心力寄
悲哀悠悠得失休
重論千古昆明有劫灰

正始集

卷十六

二

紅香館

姚

宛

字脩碧安徽桐城人廕生張茂稷室著有緘秋閣稿

擬征婦怨

朔風颯颯雪漫漫
屋角寒雲壓畫欄
自分閨中容易老
相傳塞外異常寒
凍連鸞匣胭脂淡
愁蹙蛾眉粉黛殘
不及香爐心不冷
餘烟猶得聚成團

高

氏

山東淄川人張亦宣室

閒居偶成

秋成收罷樂閒居
每歲倉箱幸有餘
漫道閨中無大計
積錢多買課兒書

胡岫奇 字試香江蘇江寧人諸生秦際雲室

咏梅

一般春信總無私
山北山南別早遲
恰使人心憐
舊雨最開多是隔年枝

秋夜

金鐙閃閃映書樓
銀蒜沉沉押畫鉤
一夜西風吹
落葉波濤都在樹梢頭

馬鏡荷 字香田江蘇金匱人諸生陳叶雲室

春日有懷珠川先生

正始集 卷十六 主 紅香館

雪影絲絲見年華
冉冉流烟凝千樹
暗雨細百花
柔園徑稀人跡
天涯滿目愁我師
山左去為客幾

經秋

美人倚劒圖

巾幘能如此英雄信有真
霜鋒三尺在欲舞向何人

訪惠山唐貞女素奉贈卽題畫卷

久識山中處女賢
蓬廬過訪到今年
一牀絮被渾身布
都是三春賣畫錢

古今節孝亦陳陳豈獨宣城葛妙真他日香花橋
畔石阿儂也是勒名人

姜

雲 字韞勗江蘇華亭人諸生張寶榕室著有巢燕樓詩鈔

早梅

嚴寒耐霜雪一放值殘冬瘦骨偏甘冷香心不愛
濃願爲松竹伴未與李桃逢寂寞孤山夜曾留處
士蹤

李繡鸞

浙江錢塘人知縣時女按察司經歷高賜祺母○繡鸞工畫善奕

寄懷淑珠大姑

王始集

卷十六

三

紅香館

綺疏朝夕共小別又經年朝水紅樓月夷山碧樹
烟寄書情不達倚枕夢常牽何日重聯袂相思悵
各天

病中吟

病骨難支欲棄捐昨宵悟徹了塵緣拈花偶笑人
稱佛擁髻閒吟自謂仙一劫生涯成畫地幾春好
夢上鈞天應歸清淨蓬萊體儂到凡閒三十年

盧

氏 山東德州人巡道悅孫女郎中汪濬室

雨中喜宋勝男女史見過

澆霖霰霰浸莓苔爲愛荷喧泛酒杯正苦閒庭無
女伴詩人恰向雨中來

王迺德

字子一江蘇丹徒人諸生豫女著有竹淨軒稿○按豫字柳村以詩名子一姊

授故均以早年能詩馳譽閩閩

懷孔經樓夫人並呈劉書之宜人

秋水何盈盈秋風何嫋嫋秋花何娟娟秋月何皎皎
皎對景懷伊人高亭俯林表玉山有嘉禾珠樹有翠鳥
言念及鷓鴣此誼世所少相約桃花開船來春樹杪
知否此時情炊烟起寒篠

正始集

卷十六

三

紅香館

再寄侯香葉夫人

香葉名芝金陵人

野水碧侵郭遙山青在樓懷人簾自捲高詠韻誰
酬樹密忽成雨江深易入秋鳳臺芳草遍千載謫
仙愁

王迺容

字子莊迺德妹著有澆桐閣稿

題張暖貞夫人采蘋藻圖

我讀二南詩王化閨房始采蘋兼采蘋蒸嘗佐君
子偶展蘋藻圖敬慎無踰此蘭柅鼓和風珮響湖
雲裏采采澹忘歸流波香不已我昨見蘋花思君

夢鴛水

題張淨因綠秋書屋詩集

弱齡耽嘯咏開卷發天香好句比蘭茝其人如鳳
凰蕪城還綠水瓜渚隔斜陽擬待桃花日期君輞
水莊

顧

蕙

字晚芳江蘇吳縣人諸生
毛叔美室○晚芳工畫

題自畫墨梅

幾生修得伴吟身玉骨冰肌為寫真不學冬心菴
裏樣墨花零亂破龍鱗

正始集

卷十六

十四

江香館

國朝閨秀正始集卷十七

完顏暉 珠珍浦輯 女孫金粟保校字

趙明霞

甘肅哈密廳人諸生王秀亭室著有續餘詩草○按哈密在嘉峪關外驛路十八日程地本回疆民俗樸野於康熙末始入版圖休養百年閨閣中竟有此作足徵文教化行之遠

春閨怨

雙魚音信隔橫江花外無人自吹尫金屈戌搖風
滿戶錦檀槽撥月當窗只容鏡裏形相對却恨燈
前影共雙別院按歌聲調苦一般心事未能降

正始集

卷十七

一

紅香館

綠戰紅酣景不凡東風偏拂舊衣衫蝦簾淺薄仍
當戶鸞鏡玲瓏只在函有夢那禁雞喔喔無言惟
讓燕喃喃年時懷袖零星字一度傷春一啟緘

博爾濟吉特氏

蒙古人科爾沁台吉囊努克室著有北歸草

出古北口

口北崎嶇路剛通薄笨車一關通絕塞萬嶺抱中
華日暮鄉心切雲開望眼賒自憐蒲柳質此去飽

風沙

潘素春

江蘇上海人○素春乃沈沙港漁婦吐屬清麗殊不易得詩見松江詩鈔

雜感

簾外輕寒逗曉風柳枝無力漾晴空墮樓魂返珠
還綠記曲人遙豆不紅夜半臙脂收塞北春深銅
雀鎖江東自知不是鴛鴦侶漫訴愁腸託遠鴻

賀雙卿

江蘇丹陽人○雙卿家四屏山下世業
農嫁金沙綃山里周姓樵子生有夙慧
吟咏清新史進士震
林爲撰西青散記

古詩

斜羅仄布零星片自綴寒衣費針線白烟遮夢抱
梅花繁霜夜洗佳人面書生漫負憐才癖妾在田
正始集 卷十七 二 紅香館

家靜安帖雨後黃鸝乍一聲春愁喚上青青葉

病後

細結麻鞵綫幾重采樵明日上西峰乍寒一夜風
偏急莫向郎吹盡向儂

冷厨烟溼障低房爨盡梧桐謝鳳皇野菜自挑寒
自洗菊花雖病奈何霜

浸透春酸一點心病中疎夢易消沉鏡釵已賣酬
方藥自削楊枝照水簪

家雞雙宿笑栖鸞比翼齊肩並紫冠燈暗結花光

滿室竈稜堪倚勝闌干

王照圓

字婉佺山東福山人主事郝懿行室著有婉佺詩草。按懿行字蘭阜嘉慶已

未進士有才名婉佺書法歐柳工古文得六朝人筆意尤精漢學握鉛懷槩日與蘭阜攷訂經史疑義疏爾雅箋山海經名噪都下所著有列女傳補註八卷敘錄一卷列仙傳校正一卷敘讚一卷夢書

題阮太師母石室藏書小照

雲臺先生夫子已未會試座主

也母夫人氏林性耽墳典圖中小像獨坐石上雲臺先生執書侍立於前

纂詁掣經萬卷收娜嬛仙館翠烟浮齋名積古從

公定

先生有續古齋後改積古見掣經書室文集

室有藏書是母留儉

正始集

卷十七

三

紅香館

素時妝無一點丹青小照足千秋應知淡月疎桐

夜緬想音容在選樓

先生所居係李善注文選樓

尙福娥

漢軍人四品宗室書約室主事崇碩侍講崇彌母。崇碩字小亭與大兒麟慶

同舉進士曾以母夫人詩見示余深訝抱負不凡乃未幾而小亭第兄相繼歿夫人攜幼孫以老何晚遇之慘也

蛛絲

屋角簷牙安樂窩縱橫組織儼張羅自憐雌伏甘

無用未必經綸讓爾多

周

字藁卿浙江嘉善人尙書姚文田室瑤封一品夫人。按文田字秩農嘉慶

已未狀元葉卿未筭時夢兆衣染柳汁
于歸後姚果大魁洵奇夢亦韻事也

寄外

香撥金猊冷春深子夜中一襟楊柳月雙鬢杏花
風鴛繡此時倦魚箋幾日通嬌兒方睡穩緘意託
飛鴻

康瑞蘭

字晚滋山西興縣人總督
基田女著有留夢閣詩鈔

自遣

竟日愁無那傷心託杜鵑
蘭摧空自惜玉折復誰憐
淪落悲千古淒涼寄百篇
蕭條閨閣裏何以度

正始集

卷十七

四

紅香館

華年

贈晚霞女史

一片閒情賦遠天彩毫銅硯足神仙共傳書草三
千牘悵別慈親二十年過眼浮雲都是夢聯吟深
夜不知眠聰明誤我今如此裁罷新詩獨惘然

柳絮

綺陌花飛黯客魂亂搖殘日下柴門
袞拖輕粉飄無定鬢惹新霜淡有痕
晴逐游絲縈別浦暖隨流水入孤村
天涯踪跡何堪問咏雪才華總莫論

李扶雲

字松岑漢軍人同知
奉瑞女知府象曾室

月夜

籟寂清光迥閒情傍竹行穿雲橫雁影擣月亂砧
聲淡菊飄香冷疎桐滴露輕吟餘猶未倦玉漏已
殘更

玩月

得此一輪滿秋空生薄寒池清垂手掬天濶舉頭
看時有鵲移影定多人倚闌不須徵大藥骨格已

珊瑚

正始集

卷十七

五

紅香館

幽居雜興

花市分來老少年還丹真是草中仙人閒歲月堂
堂去遮莫秋霜點鬢邊

鞠靜文

字淨香山
東海陽人

雨後漫興

畫閣清幽雨後天晝長人靜倍蕭然小園春去花
無主拋却東風又一年

秋夜和靜如弟韻

梧影橫斜一院秋思鄉兀坐小樓頭櫓聲搖過雁

行遠滿地月明生別愁

王玉如 雲南昆明人按察使孫嘉樂側室

春陰

東皇愛惜牡丹深費盡量晴較雨心雨恐太寒晴
太暖爲花連日作春陰

喜第至

既見翻疑誤疑眸各審詳九年雲出岫一夕雁成
行別後滄桑換途中日月長舊容驚半改鄉語歎
全忘對月秋垂淚聽猿夜斷腸逢人問消息竟便
正始集 卷十七 六 紅香館
寄衣裳剪燭心方慰回頭意轉傷自余離故土賴
爾奉高堂感逝餐應減思兒鬢恐霜第能支菽水
妹可護温涼聞已調琴瑟曾無弄瓦璋當年送我
處今日遇君場彼此皆如夢依依兩渺茫

孫雲鳳

字碧梧浙江錢塘人按察使嘉樂女○

按嘉樂字春巖碧梧生有夙慧年八歲
春巖出對云關關雎鳩即
應聲曰噫噫鳴雁大奇之

再遊飛雲洞

貴州道中

倦客欲休息驅車問靈境谷口採樵人指是飛雲
嶺古洞響寒泉高峰明返景松濤從空來感此動

清警昔我登此山垂髮始覆頸杯底吸霞光溪邊
捉雲影當時雖無知脉脉心已領撫樹發長嘆歲
月直俄頃俯仰心豁然天風磬聲冷

山行

曉從春山行殘月掛高樹鐘聲出烟林人語隔溪
霧幽壑多奇花絕壁飛瀑布今來秋已深木葉雜
風雨雞啼似有村雲深不辨路風景迥不同陰晴
亦有數去去路正遙悠悠歲云暮

題萬近蓬先生拈花小照

正始集

卷十七

七

紅香館

先生抱高懷丹青繪幽事日坐梅花中幽香繞吟
思現此神仙身傳彼如來意持與門人題屢月無
一字靜坐嘿思之乃爲題所累得魚筌可忘到岸
筏可棄詩理與禪機其源本無二此語是耶非微
笑以花示

晚溪

日落烟霏霏渡頭行客少山月出林遲幽禽歸樹
早水面清風來微波動荇藻余欲弄扁舟悠然學

垂釣

媚香樓歌

媚香樓明末秦淮妓李香君之妝樓也香君初爲歸德侯生聘妾被選入宮媚香樓竟廢

秦淮烟月板橋春。宿粉殘脂膩水濱。翠黛紅裋競妝畏。垂楊勾惹看花人。香君生小貌無雙。新築紅樓喚媚香。春影亂時花弄月。風簾閒處燕歸梁。盈盈十五春無主。阿母偏憐小兒女。弄玉雖居引鳳臺。蕭郎未遇吹簫侶。公子侯生求燕好。輸金欲買

正始集

卷十七

八

紅香館

紅兒笑。桃花春水引漁人。門前繫住游仙棹。奄黨織兒想納交。纏頭故遣狡童招。那知西子含顰拒。更比東林結社高。樓中剛耀雙星色。無奈風波生頃刻。易服悲離阿軟行。重房難把臺卿匿。天涯從此別情濃。錦字書憑若箇通。桐樹已曾棲彩鳳。繡帷爭肯放游蜂。困愁久已拋歌扇。教坊忽報君王選。啼眉擁髻下妝樓。從今風月憑誰管。柘枝舊譜唱當筵。部曲新翻燕子箋。總爲聖情憐覩覷。桃花宮扇賜簾前。天子不知征戰苦。風前且擊催花鼓。

阿監潛傳鐵鎖開。美人猶在瓊臺舞。銀箭聲殘火
尚溫。君王匹馬出宮門。西陵空見宮人泣。南內誰
招帝子魂。最是秦淮古渡頭。傷心無復媚香樓。可
憐一片清溪水。猶向門前嗚咽流。

登韜光寺

靈鷲峰頭寺清幽。少俗氛。竹深人不見。木落鳥成
羣。海氣蒸紅日。山泉瀉白雲。我來遊未足。莫遣暮
鐘聞。

巫峽道中

正始集

卷十七

九

紅香館

秋江木葉下。客子獨徘徊。瘴起濃雲合。灘鳴驟雨
來。淒涼庾信賦。寂寞楚王臺。俯仰乾坤裏。悲歌亦
壯哉。

征程

春來江上雁。知還我尙驅車。道路閒芳草。極天迷
客思。白雲何處是鄉關。地卑城郭多臨水。縣小人
家半住山。聞說西行皆石徑。喜無塵土撲征顏。

孫雲鶴

字蘭友。雲鳳。妹縣丞金瑋室。蘭友
工填詞。兼長駢體文。與姊碧梧齊名。

寶劍篇

寶劍遺編在挑燈擊節吟恩讐千古事湖海一生
心氣逼秋霜冷光騰夜月沉從軍應有願慷慨答
知音

旅樓

旅樓高不極過客足徘徊暮色隨烟起春寒逼雨
來壯心樽酒在鄉思嶺猿哀目斷巴陵路衡陽雁
獨回

壬寅九日重慶關送伯兄東歸

登高兼送遠客淚一沾裳歸棹隨流水鄉心帶夕
正始集 卷十七 十 紅香館

陽秋高山落木風急雁分行叢菊何情緒籬邊依
舊黃

孫蓀意

字秀芬一字若玉浙江仁和人貢生高第室編修故母著有貽硯齋稿○按第

字穎樓以詩名衡樓借隱自得倡和之樂

仙巖洞遇雨而歸

洞在梅湖浮峰寺

日輪忽倒行驚雷殷山底雲從洞裏生頃刻迷尺
咫心愁萬青松一一化龍起坐令攬此峰飛入蒼
冥裏火急催登舟篷背雨聲駛回頭不見山模糊

但雲水

所愛貓爲穎樓逐去作詩戲之

狸奴雖小畜首載自三禮祭與八蜡迎聖人所不
廢而况愛者多難以屈指計立塚標霜眉哦詩稱
粉鼻黃荃王寫生昌黎曾作記五德謹見嘲十玩
圖斯繪黃金鑄像償沈香斲棺瘞乃知愛貓心無
貴賤鉅細余亦坐此癖張搏絕相似貯之綠紗帷
呼以烏圓字箸裹紅鹽聘柳穿白小飼時時繞膝
嗚夜夜壓衾睡著書盈簡編頗自矜奇祕

余著銜
蟬小錄

人卷神駿支公憐籠鷺石軍嗜所愛雖不同玩物寧

王殆集

卷十七

十一

紅香館

喪志植郎獨胡爲似疾義府媚一旦觸其怒束縛
遽捐棄據座噉牛心雖然名士氣當門鋤蘭草頗
傷美人意知君味禪悅此舉非無謂吞却死貓頭
悟徹無上義

錢塘懷古

古杭形勢稱雄界左右江湖作襟帶我來弔古發
長嗟舞榭歌樓陳跡在緬昔錢王乘王氣八州保
障民生倚西湖之水不肯填願作開門節度使一
朝點檢騰風雲四方納貢皆稱臣是時錢塘歸附

早底須振旅煩曹彬如何瞬息紅竿換絕域兵戈
窮廟算蒼黃泥馬渡江來故國山河棄天畔再延
國祚百餘年占得臨安半壁天黍離莫洒孤臣淚
回首樊樓只黯然偏安遂爾成南渡此事由來亦
天數居民爭望小朝廷汴水蒼茫渺何處北地悲
笳夜月哀西湖歌管春風來但得和戎長計在君
臣行樂莫相催卽今故殿埋蓬葆鳳凰山上無人
到荆榛寂寞銅駝悲蘿薜荒涼山鬼弔惟有梳妝
臺畔池春來長遍胭脂草

正始集

卷十七

三

紅香館

孝烈將軍歌

挾弓刀跨鞍馬宛宛去邊城妾是從征者昨夜可
汗來徵兵戶有三丁抽一丁阿爺年衰小弟弱妾
替爺征死亦樂戎裝結束慷慨行萬里馳驅入沙
漠黃河東去黑水西愁雲慘慘陰山低故鄉一片
深閨月夜夜沙場照鐵衣狡兔雌雄那可辨火伴
同行空習見不畫蛾眉十二年歸來依舊芙蓉面
吁嗟乎英雄何必皆男兒鬚眉紛紛徒爾爲君不

見孝烈雙兼古莫比乃在區區一女子

夕陽

閃閃翻鴉背遙天一綫留鐘聲孤寺暝帆影半江
秋流水杳然去亂山相向愁雖憐無限好行客莫
夷猶

飛來峰

終古不飛去蒼然臥冷雲秋高山露骨石瘦樹盤
筋寶佛留真相清泉漾縠紋勝遊懷白傅千載贖
遺文

冷泉亭

正始集

卷十七

三

紅香館

孤亭接翠微徙倚澹忘歸觸石水如怒破空山欲
飛僧閒鐘梵寂日薄樹陰肥不覺輕雲過清寒入
袷衣

秋夜

雨過虛堂睡未成挑燈閒坐夜淒清草閒蛩語林
閒葉底事秋來盡不平

聽鶯

空庭過雨曉烟新恰鶯啼楊柳春好語如簧須
自惜世閒識曲已無人

張端秀

山東平陰人拔貢春賜女李起鳳聘室
○端秀字季生未嫁而訃至賦絕命詞

十章與父母訣

不食五日死

絕命詞 錄二

自古身名不兩全俗情勘破寸心堅親恩未報難
回首掌上奇擎二十年

窗明几淨學塗鴉曾向閒庭管物華此後韶光誰
是主年年風雨泣梨花

蔣繡徵

字蕙芳江蘇華亭人知縣陸
長庚室著有澗心處詩鈔

送兄金蘭之廣西

正始集

卷十七

古

紅香館

畫角聲殘酒半酣張燈小市駕行驂堂前菽水毋
多慮客裏風霜苦未諳路轉東吳勞遠夢驛經西
粵辨鄉談清貧自信傳家慣不待臨歧話再三

張蓮芳

字浣江江蘇長洲人貢生朱
德垣室著有種學齋吟稿

搗衣

獨夜秋風裏淒涼月滿砧聲長思更遠力盡意偏
深愁聽人無寐驚飛鳥失林關山征戍客誰識此

時心

丁玉蟾

字夢仙湖南善化
人知府張杰室

咏雪

六出花飛夜舉觴來春麥飯喜生香笑他柳絮東風裏無補蒼生只解狂

姜女廟

考古何須辨假真傳來節義豈無因惟期舉世鬚眉輩共把心肝學此人

燈下分讀長慶集贈外

香山句好分燈讀龍井茶新汲水煎若是今朝爲

刺史那來清福到君邊

時方罷任故云

正始集

卷十七

十五

紅香館

吳之學

河南光州人

嘉慶丁巳七夕之秀姊邀邵葆翬引珍素珍

晚玉亭玉五姊妹聯吟乞巧步韻奉和

天上瓊箋次第投人閒慧業幾生修仙姿盡隸雙成籍星夕同登八詠樓銀燭金梭歡卜夜衣香鬢影淡如秋盟從舊雨聯今雨雒誦新詩韻欲流

陸素心

字蘭垞浙江平湖人舉人徐熊飛室著有碧雲軒詩鈔

西施詠

西子入吳宮笑語青天上高臺珠翠香酒半發妍

唱越兵江上來左右泣相向不及東家施負薪老
烟嶂

山居和外韻

林雨霽新綠白雲飛滿庭松聲千樹寂山色一樓
青風渚多鮭菜銅坑有茯苓相將對泉石共讀羽
人經

陸荷青

字孟貞素心妹舉人徐熊
飛繼室著有唐韻樓詩鈔

小青墓和弟

尙有香魂在湖干弔夕曛孤山芳草路寒食美人

正始集

卷十七

去

紅香館

墳叢竹幽窗雨梨花日暮雲風前雙蛟蝶彷彿舊
羅裙

孝豐署中有感和家人

秋雨瀟瀟未肯晴階前點滴不停聲山頭雲氣冥
濛溼樹杪烟光斷續生忽憶故園江上曉何時短
棹鏡中行蒨絲嫩碧鱸魚美鄉味無端感宦情

送人至天目山

二十七龍潭白雲化爲水君去滌聞根松風吹滿

耳

野寺

山半齊梁寺無僧戶不開年年春草色綠上誦經臺

方

字蓮漪安徽桐城人車持謙室著有紅蠶閣稿

伺蠶

晨昏調伺事初諳忙過春風三月三吐盡情絲仍

化蝶他生儂願作紅蠶

袁

青字黛華江蘇上元人車持謙繼室著有燕歸來軒詩草

莫愁湖

正始集

卷十七

七

紅香館

烟波不藉管絃新可惜遲來已過春聽喚盧娘名

字好茫茫相對又愁人

左慕光

字松石號盡心老人安徽桐城人知縣葉馥室著有青筠軒草○松石年五十始學爲詩女中之高達天也夫故攜二子僑居濟州日手一編自是學益進詩益工與史倩仙湘霞兩女史酬唱每遣小婢持詩筒往來

感懷

寄跡異鄉非本意強支門戶萬分難衣裳似筍層

層剝質秀如書日日看可奈空箱無長物更兼多

病減朝餐一腔魂魄誰堪訴閒坐中庭悶倚闌

史

筠字湘霞山東濟寧人
著有蘿月軒詩鈔

寄外

客子遊千里門庭妾獨支
典衣奉姑膳帶病課兒
詩顛賴無人問淒涼有影知
幾時重話舊生死莫
相離

暮秋聞警有感

古木凋霜百草摧
經年多病少登臺
雲連河北音書斷
嚴親同河帥
防汎於河北
火照城南畫角哀
荒驛兵符飛

馬去深秋戍鼓向人來

正始集

卷十七

六

紅香館

君王自有平戎策
四望浮雲一掃開

秋夜懷左盡心夫人

露白天青爽
清半簾月色未三更
砌多蟋蟀花
無夢窗近芭蕉
秋有聲老景應添銀鬢髮
離心不耐夜
鐙檠阿誰伴我
唵魂冷竹樹颼颼一雁鳴

病中思親

霜雪頭顱猶作客
英雄兒女莫須論
自憐嫁得黔婁婿
寸草難酬春日恩

史麗君

字倩仙山東濟寧人拔貢襄齡女兄著
有倩仙詩鈔○倩仙爲湘霞從妹工填

詞幾奪宋
人之席

春日詠懷

兩枕春寒午夢餘
芬芳花事閉門居
近來情思清於水
細讀南華悟道書

鄒淑貞

廣西平樂人
諸生李紹祖室
以節賜旌
著有澡雪齋集

澡雪齋

青山絕處起山房
環珮天風石磴涼
花木怡情工韻畧
園林結構不尋常
簾前雪鑱蒼松色
波面雲浮白芷香
忘却塵心並俗慮
澡身欲入閨仙鄉

正始集

卷十七

九

紅香館

胡

緣字香輪
安徽當塗人
著有琴韻樓稿

掇秋海棠入蜜

蜜是釀花成
復使浸花片
莫訝顏色好
日夕淚洗面

面

戴

俶字聯珍
江蘇常熟人
聯珍為女史
席蘭枝女
綽有母風

懷趙絮庭表姊

疎簾月影上遲遲
畫閣挑燈有所思
最是令人忘不得
相看欲別未行時

帥翰堦

字蘭媚
江西奉新人家
相女孫

寶釵嘆

鏤金壓鬢盤鴉黃寶珠綴粟翹鸞皇流輝耀首錯
明璫彼姝藉色矜夷光烏輪長生兔魄死雄鳴嗶
嗶雌靡靡寧甘墮地化爲石不合生來爲女子手
持寶釵扣消息水佩霓裳休借飾媧皇搏土散作
人一御鉛華無氣力華星一字千金價鏤鳳雕鸞
風在下寶釵擲地鏗有聲何如作賦餐霞生

夢得首二句續成

長立小樓前吟魂蕩曉烟水流還極浦草色又今

正始集

卷十七

三

紅香館

年歷雪經春後輕寒欲暖天幾時楊柳意青到酒
旗邊

暮春

堂堂春不住片片逐花飛惟有紅襟燕雕梁尙語
歸

白

氏

字香室直隸高陽人教
授王棻室著有綠窗草

辭家

辭家時節值殘春繞砌花垂曉露新十日相看千
日別似含珠淚送行人

楊林貞 貴州鎮遠人知縣曾川女。林貞王書畫姊妹秋林惠俱能詩。

六盤山

鐸聲響郎當無語車中坐聽說六盤山險峻真無
那試從簾隙窺儼然在目左萬仞勢嶙峋層層白
雲鎖驅車登山巔不見雲一朵想彼山下人見雲
不見我

韓

山西寧武人諸生劉某室。寧武地近邊牆風俗質朴求一詩人已不可得氏以閨房之秀刻苦吟詩竟不為習俗所囿真矯矯者

偶興

正始集

卷十七

三

紅香館

數日闌珊嬾作妝為乘清興弄篇章吟成只用畫
眉筆信手書題字也香

歐陽澧

湖南江華人。江華與鳳凰等三廳苗疆接壤近數十年始廣學額歐陽氏遂以詩名閩中亦雋才也

過洞庭湖懷諸姊妹

洞庭秋水漲無垠一葉扁舟獨問津此去相離三
百里不知後會幾千旬往來客棹紛無定淺淡家
山看不真試問香閨諸姊妹可還記憶過湖人

黃儷祥

字荔薌安徽婺源人知縣詹應甲室。按應甲字湘亭與弟振甲字聲山均以

詩名荔藕與聲山室時瑛亦工吟咏妯
娒嫡庶日相倡和真得閨門風雅之樂

哭藕香女史並題繡餘吟稿

太華峰頭玉一枝當年移種向瑤池聯珠易縮同
心結獨繭難抽續命絲浣去香泥消艷福嚼來冰
雪漱清詞爲郎辛苦留芳實寄語蓮房好護持

吳頭楚尾路迢迢風月江山共畫橈十斛香名圍
繡幄兩頭妝具載文簫織成黃絹中郎授譜到青
琴大婦調翻怪桓家南郡主可憐相見始魂消

吟椒咏絮數清才林下風規傍鏡臺五七言詩雕

正始集卷十七

三

紅香館

玉佩十三行字唾絨堆別裁僞體檀郎訂酷肖眞
容菊婢猜是蝶是仙成絕筆羅裙飛去幾時回

前

十日賦書中乾蝴蝶詩有
解脫語豈非頓悟前因耶

三星粲粲最相憐隔住紅墻月上絃燕乳分離悲
宛轉蠶絲寸斷語纏綿孤桐入夜還將鳳病葉禁
秋未抱蟬今日哭卿卿不見淚花和墨酒重泉

身

後七日臨危余在病中欲往視
殮叔氏又力止之今尙憮然

沈蕙香

字慧生浙江錢塘人
知縣詹應甲側室

侍夫子泛舟湖上歷北山禮佛歸來奉和四

首

曉風吹夢過長橋鬢影衝寒上畫橈爲愛山南楓
葉好不同桃李艷春朝

小棹初停曲水涯好攜酒榼飯僧家肩輿遍歷山
深處穩勝香車碾落花

蒲團回首憶西來花雨紛紛下講臺解道仙緣皆
佛力潮音吹作紫雲回

樹杪樓臺淡夕陽四山落葉打空廊牽蘿許補三
閒屋分得湖光住此鄉

正始集

卷十七

三

紅香館

印卷珠

字荷香福建閩縣人諸生詹振甲側室
著有荷窗小草○荷香與藕香蓮香先
後歸詹聲山尋荷藕相繼歿聲
山乃合蓮香詩編爲三生堂稿

與蘭因女史評畫

要把詩家比畫家豈容俗手強塗鴉別開生面如
抽繭便學時眉不障紗意在筆先胸有竹韻流紙
上眼無花從知此事須書卷妙訣尤難出齒牙

拾花瓣砌情字忽被東風吹去

爲情憔悴懶言情聊把閒情付落英香雨團成絲
一縷雪泥證到夢三生芳菲已謝空憐惜飄泊難

禁易變更寄語風姨更吹聚前生原是許飛瓊

張繡珠

字藕香江蘇長洲人諸生
詹振甲側室著有繡餘吟

西湖泛月次夫子韻

一棹水雲裏微茫何處尋涼生詩客夢清澈美人
心塔遠燈浮動潭虛月淺深船脣同坐久珠露溼
羅襟

阻風新安江作

清溪洞口水溶溶水底照見梅花峰梅花峰高幾
千尺怪石爲骨雲爲容

正始集

卷十七

三

紅香館

一林楓葉正流丹畫手難摹七里灘溪上清風亭
上月教人那不憶新安

張喜珠

字蓮香湖北黃州人諸生
振甲側室著有蓮香閣草

黃州放船

鶴影簫聲萬古秋只攜二客過黃州坡仙不載朝
雲去如此江山負勝游

白蓮隨聲山夫子聯句

我欲泛蓮洋山聲蓮花白似霜魚游真浩蕩蓮鷗夢
最清涼非比紅衣落山聲微嫌翠蓋張跳珠盤失色

蓮香濺玉水浮香照影應憐汝山聲含情且語郎迴波

摹粉本蓮香覽鏡卸濃妝低映雲為幙山聲高擎露滿

房六根生淨土蓮香十丈架慈航蒂綰同心結山聲絲

穿繫背囊披襟消溽暑蓮香鳴佩協清商殘月一灣

小山聲曉風千頃長何曾迷畫鷁蓮香相與覆文鴛極

目偏空濶山聲予懷正渺茫雪兒曾捧棹蓮香雲母為

拳裳采采疑無路山聲盈盈別有鄉調冰同琢句蓮香

幽思問滄浪山聲

王素雯字雲仙湖北孝感人

正始集卷十七

三生堂詩題詞

三

紅香館

蓮根作藕大如船蓮葉搖風劇可憐更向西湖種

蓮子都教齊放並頭蓮

